



№29 (8181)
24 шілде
БЕЙСЕНБІ,
2025 ЖЫЛ



Жылыой аудандық қоғамдық-саяси газеті

Кен Жылоой

Газет 1933 жылы 4 қазаннан шыға бастады



www.facebook.com/kenzhyloloy
ken_jyloloy_gazeti

* Экология

ТЕҢІЗДЕГІ ЖАҢА АРАЛ



Жақында әлеуметтік желіден Каспий жағалауында орналасқан бір кен орнында жұмыс жасайтын жұмысшының бейнебаяны тарады. Онда биік бөгет үстінен түсірілген сюжеттен теңіз суының жағалаудан бірнеше шақырым қашықтыққа тартылып кеткенін көруге болады.

Расында да осыған дейін ресми бұқаралық ақпарат құралдарының сайтында Каспий теңізінің соңғы кездері тайызданып бара жатқаны жөнінде ақпараттар беріле бастады. Тіпті, теңіздің солтүстік бөлігінен жаңа аралдың пайда болғаны туралы хабар жарық көрді. Зерттеушілер бұл теңіздің тайыздануының тағы бір дәлелі екенін айтып отыр.

Айталық, otppnews.kz. сайты Ресей ғылым академиясының Океанология институтының солтүстік Каспийде жаңа аралдың пайда болғанын растайтынын жазады. Ол Малый Жемчужный аралынан оңтүстік-батысқа қарай 30 шақырым қашықтықта орналасқан екен.

- Океанология институтының мамандары экспедиция жасап, аралға жақындады. Бірақ олар

судың тайыздығы салдарынан және ауа райының қолайсыздығына байланысты аралды зерттеу жұмысын жүргізе алмады. Дегенмен квадрокоптерден түсірілген фотосуреттер онда құрлықтың бар екенін дәлелдейді,- деп жазады Ресейдің Океанология институты.

Зерттеушілердің алдағы болжамына сүйенсек, онда Каспий деңгейінің төмендеуі жалғаса беретін көрінеді. Бұл жаңа аралдың бірте-бірте құрғап, аумағының ұлғаюына себеп болады дейді. Ондағы мамандар, аралдың пайда болуы алаңдаушылық тудыратын құбылыс деп бағалап отыр.

- Жаңа аралдың табылуы – Каспий теңізінің тартылып бара жатқанының тағы бір кезекті дәлелі. Тереңдіктің азаюына байланысты жаз айларында су қатты

қызады. Соның нәтижесінде көп аумақтар суасты жануарларының тіршілігіне жарамсыз болып қалады. Егер авандельтадағы тартылу үдерісі осы қалпында жалғаса берсе, балық шаруашылығы орасан зор аумағынан айырылады. Ал балықтардың қоректенетін бөлігі оңтүстікке қарай жылжып береді. Бұл жағдай экологияға өзгеріс әкеледі,-дейді Океанология институтының ғалымдары.

Жалпы бұл құбылыс Каспий қайраңынан қара алтынның өндірілуіне байланысты болуы мүмкін деген де болжам айтылуда. Оның үстіне, Каспийге құятын Жайық секілді үлкенді және кіші өзендерден құйылатын су ағындарының азаюы да теңіздің тез тартылуына себеп.

Е.ҚОШАҚАНОВ

* Төтенше жағдай

БЕКЕТ БАСШЫСЫ ҮЙҚАМАҚҚА АЛЫНДЫ



Осыдан екі ай бұрын Құлсары қаласының орталығындағы «Ниет» жанар-жағармай құю бекетінде орын алған жойқын жарылыс жылыойлықтардың әлі есінде. Өндірістік апат салдарынан ерлі-зайыпты екі жұмысшы-қызметкер қаза тауып, 14 адам дене жарақатымен ауруханаға түсті. Соңы әлі күнге ем алу үстінде.

Оқиғадан бірнеше күн өткеннен кейін марқұмдардың ұлы тиісті құзырлы органдарға, блогерлер мен облыстық бұқаралық ақпарат құралдарына жүгініп, «Ниет» жауапкершілігі шектеулі серіктестігі басшыларының үстінен шағым түсірді. Жоғарғы инстанцияға дейін арыз түсірді.

Нәтижесінде тергеу жұмыстары жанданып, жақында жанармай құю бекетінің директоры сот шешімімен қамауға алынды. Яғни, тергеу соты күдіктіге қатысты үйқамақ түріндегі бұлтартпау шарасын санкциялады.

Екі айға тарта уақыт өтсе де әзірге жарылыстың нақты себебі ресми

түрде жарияланған жоқ. Әйтсе де бұған дейін Төтенше жағдай департаментінің өкілдері газдың сыртқа шығуы мен ұшқыннан тұтану нұсқасын айтқан еді.

Тергеу амалдары жалғасып жатыр.

Өз тілшімізден

* Спорт

Әр саланың өзіне тән жолы, қиындығы мен қызығы бар. Ол сәт сайын дамып, өзгеріп, өзіндік ерекшелігімен дараланып тұрады. Ал спорттың сара жолы жас ұрпақты жігерлендіріп, әлемдік ареналарда өліміздің атын әйгілі ететін маңызды салаға айналды. Чемпиондардың жеңісінің арқасында көк байрағымыз желбіреп, төбеміз көкке жетіп жүр.

Түркия турнирінде топ жарған Еркеназ

Міне, дәл осындай қуаныш пен мақтаныштың бір көрінісі – биылғы жылдың шілде айының 5-і мен 7-сі аралығында Түркия елінің Измит қаласында өткен халықаралық жарыстарда көрініс тапты. Жылыойлық жас спортшылар да бұл дүниежүзілік дүбірлі додадан шет қалмай, ерекше белсенділік танытты.

Атап айтқанда, Еуропа Кубогында 38 келі салмақ дәрежесінде өнер көрсеткен Мансұр Мұбарак III орынды жеңіп алып, қола жүлдеге ие болды. Еліміз үшін жеңіс жалғыз мұнымен шектеліп қалмады. Жарыстың үшінші күні Түркияның Измит қаласында ұйымдастырылған Емре Озган атындағы халықаралық турнирге 18 елден 1500-ге жуық дзюдошы қатысқан еді. Осы ауқымды әрі тартысты турнирде Қазақстан намысын абыроймен қорғап, ел сенімін ақтаған жылыойлық өрендер де жеңістің биік тұғырынан көрінді. Соның бірі - аудандық №1 Балалар-жасөспірімдер спорт мектебінің шәкірті Еркеназ Қойлыбай. Ол барлық қарсыластарының арқасын жерге тигізіп, жүлделі I орынды қанжығасына байлады.

үшін жүрегімен шын қуана білген Еркеназдың әкесі Жеңіс Қыраубаевтың қуанышында шек жоқ.

- Қызымның дүниежүзілік дүбірлі додада жеңіске жетуі – тек отбасымыз үшін ғана емес, аудан үшін де үлкен қуаныш. Еркеназды жосары деңгейде дайындап, шеберлік әдістерін үйретіп, физикалық тұрғыда шынықтырған жеке бапкері Әбіл Мейрам ағайынның еңбегі зор. Осы сәтті пайдаланып қызымның халықаралық аренада бақ сынауына мүмкіндік беріп, демеушілік көрсеткен «ДАЛАРА» мекемесінің басшысы Р.Сембиевке, жеке кәсіпкерлер Қ.Қуанышев, Б.Қорқытов, Б.Сұлтанов, С.Доржиков сынды басқа да жасаңшыр азаматтарға шын жүректен алғысымызды айтамыз!- дейді чемпионның әкесі.

Еркеназ Қойлыбайдың жеке бапкері Мейрам Әбіл халықаралық жарысқа қатысқан балаларға қолдау білдіріп, демеушілік көрсеткен Омар Қалмұрзиев мырзаға алғысын жеткізді.

Расында жылыойлық Мансұр Мұбарак, Еркеназ Қойлыбай мен Айша Нұрланқызындай өрендеріміздің



Ал 28 кг салмақта белдескен Айша Нұрланқызы жүлделі III орынға ие болды.

Жас спортшылардың бұл жетістігі – табанды еңбек пен үздіксіз жаттығудың, сондай-ақ жаттықтырушылар еңбегінің нақты нәтижесі. Айталық, Еркеназ Қойлыбайды баптаған жеке бапкері Мейрам Әбілдің еңбегі ұшан-теңіз. Спортшыларымыз тек Жылыойдың ғана емес, бүкіл Қазақ елінің намысын абыроймен қорғап, халықаралық аренада көк байрағымызды көкке көтерді.

Әсіресе осы турнирде қызының әр белдесуін бірге уайымдап, оның жеңісі

жеңісі тек Жылыой жұртшылығы үшін ғана емес, тұтас Қазақ елі үшін үлкен мәртебе. Бұл жас буынның қайсарлығы мен талантының, спорт саласына көрсетілген қолдаудың нақты жемісі.

Айта кету керек, Айша Нұрланқызының жаттықтырушысы әрі анасы Жаңылсын Көптілеуова – құлсарылық балғын спортшыларды дзюдо күресіне баулып жүрген тәжірибелі бапкер. Оның да шәкірттері бірнеше мәрте республикалық және халықаралық жарыстарда бақ сынап, жеңісті жетістіктерге жетіп жүр.

Әйгерім ҒАЛЫМЖАН

Бүгінгі санда:

Далабай туралы ӘН



➡ 4-5-БЕТТЕР